

## Rung NPP ka Kong Banalari kaba dei ka nongialam barim ka UDP

### Shillong, Rymphang:

Ka Kong Banalari Khongwar kaba dei kawe i ka nongkhai bad heh spah hapoh ka jylla bad ruh ka nongialam jong ka UDP, ha ka sngi Palei ka la leit ban pnyiasoh noh ialade bad ka NPP na ka bynta ban kyrshan pura ia u Bah Prestone Tynsong uba dei u kyrtong ka NPP ban iakhun ia ka ilekshon MLA na Pynursla konsttwensi.

Ya ka Kong Banalari la pdiang sngewbha sha ka NPP da u Bah Prestone Tynsong uba dei u Vice President ka NPP ryngkat ki nongialam ka seng ha ka jingialang ba la pynlong ha shlem treikam ka seng ha Lachumiere bad nangta la pdiang sngewbha ruh ia ki nongialam kiba khkmat eh jong ka Kong Banalari.

Haba ia jinghren ha ka jingialang, ka Kong Banalari ka la ong ba ha ka ilekshon MLA 2008 bad 2013, ka la iakhun pyrshah ia u Bah Prestone, hynrei ha u snem ba la dep ka la mih noh na ka UDP ban pnyelit jingmut noh ha ki kam shimet jong ka. "Haba nga la mih noh na ka UDP, ki paralok, ki nongialam bad ki nongkyrshan ki jong nga ki la ong ba nga dei ban leit ban pnyiasoh noh sha ka NPP," la ong ka Kong Banalari.

Nalor kata, ka la iathuh ruh ba ka jingmih noh na ka UDP ka dei na ki daw shimet. Kane ka dei hadien ka jingwan shimti noh da kiwei ki nongialam ia ka seng hadien ka jingkhald noh u (L) Dr. Donkumar Roy.

## Wan poi u nongpeit pyrman ia ka East Jañtia Hills District

### Khliehriat, Rymphang:

U District Election Officer ka East Jañtia Hills, u la pyntip ba u nongpeit pyrman ne ki Expenditure Observer (EO) ba la thung da ka Election Commission of India ban peit ia ka rukom pnylut pynsep da ki kyrtong ka 5-Sutnga Saipung Assembly Constituency bad 6- Khliehriat Assembly Constituency ula wan poi ha nongbah Khliehriat. Ia une u nongpeit pyrman Expenditure Observer u Pushkar Kathuria, IRS lah ban phone ia u, ha u Mobile Number. 6033416280 lane Landline Number. 03655-295054.

Kino kino ki seng saiñ hima sima ne political party ki lah ban iakynduh ia u ha ka kamra kaba 244 jong ka ophis u Deputy Commissioner, East Jañtia Hills District, Khliehriat.

Ha kawe pat ka liang, u District Election Officer, West Jañtia Hills u la pyntip ba ki nongpeit Expenditure Observers ba kynthup iaka Monika Singh, IRS bad Pardeep Kumar, IRS la thung iaki da ka tnat Election Commission jong ka ri India na bynta ka West Jañtia Hills District ki la wan poi ha nongbah Jowai.

Ka Monika Singh, IRS kan peit ia ka 1-Nartiang, 2-Jowai bad 7- Amlarem lah ban phone iaka ha une u nombar 92335 13832.

U Pardeep Kumar, IRS un peit pyrman iaka 3-Raliang bad 4- Mowkaiaw lah ban phone ha une u nombar 92335 13822.

Kino kino kiba kwah ban uxor, ki lah ban ia kynduh iaki haka kamra kaba 151 jong ka ophis u Deputy Commissioner, West Jañtia Hills District, Jowai naduh ka por 11:00 mynstep haduh 12 baje mynsngi.

## Lah ban book ia ka kali thymmai ka 'Innova Crysta' ha ka dor 50,000 tyngka



### Shillong, Rymphang:

Ka Toyota Kirloskar Motor (TKM) ha ki khyndiat sngi kiba la leit noh ka la pynbna ba la pyllait paidbah ia ka jinglah ban 'book' ia ka kali thymmai kata ka Innova Crysta. Ia ka Innova Crysta kaba thymmai mynta la pyndait da ki jingpyndait kiba itynnad ha ka bynta ba ha khmat jong ka kali da kaba buh ha khmat ia ka jingmut ha ka por ba shna ba kane ka kali kan kham itynnad bad i khaiñ da ka jingpyndait ia kane ka jingpynitynnad, bad kane ka long ruh katkum ka jingdonkam bad jingkwah jong ki longiung ha India, ki nongkhai, ki nongtrei kompani ne 'corporate' bad ki nongbah kali.

Ka jingpyllait paidbah ia ka jingbook ia ka kali thymmai jong ka Innova Crysta ka iajan bha bad ka jingpyllait paidbah ia ka Innova HyCross (ia kaba lah ban ioh da kaba treikam da ka Gasoline kaba ka Strong Hybrid Electric powertrains) kaba la ioh ka jingiaroh kaba bun, namar ba ka long ka kali kaba kaba itynnad bad iphuh bha, kaba biang ia ki kor ki bor treikam ka juk mynta, kaba suk bad aram bad kaba shngaiñ bha bad kaba sngewtynnad ruh ban ñiah, ka long ka kali kaba iahap ban leit jingleit marwei lane bad ki bahañng hasem.

Haba kren shaphang ka jingpyllait paidbah. U Atul Sood, Vice President, Sales and Strategic Marketing, Toyota Kirloskar Motor, u ong, "ia ka kali Innova Crysta bad Innova Hycross, la lah ban book noh mynta, ha kylleng ki jaka die bad online, ngi sngew kmen haduh katta katta ban ong ba ki nongthied jong ngi, kiba kwah ban ioh ia ka kali Innova kaba ki sngewtynnad eh mynta ki la ioh lad ban jied napdeng bun jait ki 'powertrain' ban kham sngewtynnad shuh shuh ka jingñiah kali jong ki". La lah ban book noh ia ka kali thymmai kata ka Innova Crysta ha ka dor 50,000 tyngka. Ki nongthied ki lah ban book ha ki jaka die kali lane ha ka online da kaba leit sha ka www.toyotabharat.com.

Ka kali Innova Crysta ba thymmai ka wan ha ki saw jait kata G, GX, VX & ZX bad haduh san tylli ki rong-White Pearl Crystal Shine, Superwhite, Silver, Attitude

## Ai jinghikai ka Don Bosco SS, Mihmyntdu ia ki khynnah halor ka Indian Classical Dance

### Jowai, Rymphang:

Ki bor pnyiaid ka Don Bosco Secondary School, Mookymphad-Mihmyntdu kum shibynta jong ka jingleh kmen leh burom ia ka 1st Annual Day-Indian Classical Dance 2023, ha ka 2 tarik Rymphang ki la pynlong ka prokram kyrpang ha ka jingdonlang u Terence Sawian kum u kongsan, ka Kong Tina Lakiang kum ka Symbud kongsan nalor ki Sister, ki nonghikai bad ki kmie ki kpa jong ki khynnah.

Ka Sister Maria Joseph ha ka jingkren maitphang ka la buh ia ki jingduwai bad ka Agnes Lapasam ka la ai ki kyntien pdiang burom, katba kiwei kiba la kren ai mynsien ia ki khynnah bad ia ki bor pnyiaid ka skul ki kynthup ia u Jonhda, ka Dr. Snigdha, ka Maria Dominica bad ka Sister Sheela Thomas, Headmistress Don Bosco Secondary School, Mihmyntdu.

Ka Kong Tina Lakiang haba ai jingkren ka pynpaw ka jingsngewnguh ia ki Sister kiba la shimkha ban trei na ka bynta ban kyntiew ia ka pule puthi jong ki khynnah bad ka la kitbok kitrwiang ruh ba ha ki por ki ban sa wan ki don shuh shibun ki khynnah ki ban wan shah hikai na ka bynta kine ki rukom shad ba

## Haduh 309 ngut ki dkhot kieng atiar ba shah kem ha u 2022: Ganeshan

### Imphal, Rymphang:

U Lat jong ka jylla Manipur, u La Ganesan ha ka sngi Palei mynta ka taiew ha ka jingai jingkren hapoh ñing Dorbar Thaw Aiñ jong ka jylla u la pyntip ba la ha u snem u ba la dep (2022) ki la don haduh 75 ngut ki dkhot kieng atiar kiba la wan ban pyndemwait ialade bad 309 ngut kiwei pat kiba la shah kem ha ki bor pahara jong ka jylla.

Ha ka jingai jingkren jong u Lat halor ki mat kiba iadei bad ki sienjam jong ka Sorkar Jylla, u la pyntip ba ka sorkar ka dang iai bteng ban pynkhilaiñ bad pynbha shuh shuh ia ki jinglong jinglong ha ka jylla Manipur, khamtam ha ka liang kaba iadei bad ka roi ka par.

U la iathuh ba kum shi bynta ban rat dyngkhong ia ki kam kiba iadei bad ka jingkynduh u droks ha ka jylla, haduh 3517 akar ki lyngkha rep ia u 'tiew poppy' la dep ban leit pynjulong ha kylleng ki bynta jong ka jylla.

U la pyntip shuh shuh ba ha u snem ba la dep, ki bor pahara jong ka jylla ki la ioh ruh ban kurup ia palat 2384 kilo u droks ba kynthup ia u droks 'heroin', 'brown sugar', 'opium' bad kiwei kiwei ki jait jingdih pynbuaid.

U la pyntip shuh shuh ba halor ki mat kiba iadei bad ka pisa pilaiñ hapoh

## La thaw ia ka komiti ban peit ia ki tiar bad pisa ba ioh kurup

### Jowai, Rymphang:

Haba iadei bad ka ilekshon sha ka iingdorbar thawaiñ ka jylla bad ruh ka jingbat ia ki kyndon (Standard Operating Procedure) kaba iadei bad ka jingkurup bad pyllait ia ki tiar bad pisa kaba dang treikam ka Model Code of Conduct bad ba ki paidbah kin lait na kano kano ka jingbym iasngewthuh jingmut, kumta u District Election Officer ka West Jañtia Hills u la thaw ia ka komiti kaba kyrpang kaba tip kum ka 'District Committee For Examining Cases of Seizure'.

Ha kane ka komiti la thung ia ka Kong E.L Warjri, Additional Deputy Commissioner, Nodal Officer for Expenditure Monitoring kum ka



U Lat ka jylla Manipur, u La Ganesan

ba nam ka ri India.

Ia kane ka jingai jinghikai peit bad pnyiaid da ka Roshni ba na Jylla Bhopal bad ha ki arbnai jong kane ka prokram ka la trei shitom kat haduh ba ki khynnah ki la lah ban pyni ia ka sap ka phong jong ki kumno ban shad Kathak bad Bharatnatyam.

U Terence Sawian haba ai jingkren ula ong ka sur bad ka jingshad ki dei ki dawai ha ka jingim jong ki brieve bad ki don ka bor ban ktah bad ktik ia ka pyrkhath pyrdaiñ bad ka jingsngew jong ki brieve kumta ka long kaba donkam ban pynrunng ha ka pyrkhath pyrdaiñ ki khynnah skul ia ka jinglong kyrpang jong kine ki ar tylli.

Ha kane ka sngi la aiti ruh ia ki syrnot sha baroh ki khynnah ba shah hikai bad la don ruh ka jingpyni sap shad ki khynnah kumjuh ka jingshad Kathak na ka Roshni ba long ka Instructor jong kane ka Classical Dance Training.



U Lat ka jylla Manipur, u La Ganesan

ka North East Special Infrastructure Development Schemes, ki la don haduh 18 tylli ki projek ba shongdor palat T.394 klur ba la mang na ka bynta ka tnat sam um, ka tnat koit khiah bad kumjuh ruh na ka bynta ka tnat kaba dei peit ia ki surok ki syngkien. U la pyntip ba ki la don ruh haduh 77 ngut ki nongkyntur pud beaiñ kiba la shah pynmih noh na ki khlaw sorkar bapher bapher.

Ha ka jingai jingkren jong u Lat, u la pyntip shuh shuh ba ka sorkar jylla ka la lah ruh ban thied ia 100 tylli ki tiar siat bad pynbiang ruh ia ki lad jinghikai kilan met ia 49 ngut na ka bynta ki kam pahara ban tehklam ia ka jingshalan beaiñ ia ki dieng bad kumjuh ruh ban tehklam ia ka jingwan rung pud beaiñ.

U la pyntip shuh shuh ba hapoh ka skhim PMAY (Urban), la dep ban mang tyngka na ka bynta ban pynshna ia 55,804 tylli ki iing bad tad haduh kane ka kynti kaba mynta ka sorkar ka la dep ban pynshna ia 10,401 tylli ki iing.

## Halor ka jingdawa jylla jong ka ENPO

## Tyrwa ka Sorkar Pdeng da ka 'Autonomous Council' ha 6 tylli ki distrik jong ka Nagaland

### Kohima, Rymphang:

Ka Sorkar Pdeng ha kane ka taiew kaba mynta ka la tyrwa ban thaw da ka 'autonomous council' ha ki distrik kiba don ha ka thaiñ mihngi jong ka jylla Nagaland. Kat kum ki jingioh lum khubor, la iathuh ba ia katei ka jingtyrwa ka Sorkar Pdeng ka la pynbna hadien ba la dep ban pynlong ia ka jingialang syllok bad ka Eastern Nagaland People's Organisation (ENPO) kaba la neh ruh haduh 2 sngi.

Ka ENPO ka dei ka synjuk kaba mihkhmat na ka bynta ki 7 tylli ki kynthun jaitbynriew ritpaid na ki 6 tylli ki distrik jong ka jylla Nagaland - ka Mon, Tuensang, Kiphire, Longleng, Noklak bad Shamator district. Na ka liang ka ENPO la iathuh ba naduh u snem 2010 ka la dawa ban pnyioh ia la ka jong ka jylla na ka bynta katei ki 6 tylli ki distrik kiba don ha ka thaiñ mihngi jong ka jylla Nagaland.

Ia ka jingialang hapdeng ka ENPO bad ka Sorkar Pdeng la pynlong hadien ba ka ENPO ka la byngem ba kan nym iashim bynta satia ha ka ilekshon ñing

## Ryngkat bad shi tyllup ka ri India, la rakhe ia ka 'Martyrs Day' ha Kyrphei

### Shillong, Rymphang:

Ryngkat bad shi tyllup ka Ri India, la rakhe ia ka 'Martyrs Day' ha ka 30 tarik u Kyllalyngkot, 2023 ha shnong Kyrphei, East Khasi Hills kum ka dak ban burom bad pyrto ia baroh kiba la aiti ia la ka jingim ban pnyioh ia ka jinglailitid jong ka ri India.

Kane ka sngi ka dei ruh ka lyngkhuuh sngi iap jong u 'Kpa jong ka Ri India', u Mahatma Gandhi.

Kum ka jingburom bad ban rakhe sah kymnaw ia kane ka sngi, ka Nangiaikiew Rynth Village Organisation (NRVO), Kyrphei ryngkat ka jingiatrei lang ka Nehru Yuva Kendra Sangathan, Shillong, ka la pynlong ia ka jingialang ba kyrpang ha ka jingdon ryngkat ka president jong ka NRVO, ka Kong Rissida Rynjah.

La pnyiaid ia kane ka jingrakhe da ka secretary ka NRVO, ka Kong Tiewlinda

## 259 ngut ki kyrtong ban iakhun ia ka ilekshon ñing Dorbar Thaw Aiñ jong ka jylla Tripura

### Agartala, Rymphang:

U Chief Electoral Officer (CEO) jong ka jylla Tripura, u Kiran Gitte ha ka 2 tarik mynta u bnai u la pyntip ba ha kane ka kynti kaba mynta ki don haduh 259 ngut ki kyrtong kiba la wan ban pynrunng kyrtong na ka bynta ban iakhun ia ka ilekshon sha ka ñing Dorbar Thaw Aiñ jong ka jylla Tripura kaba la buh ban pynlong ha ka 16 tarik mynta u bnai. U CEO u la pyntip ruh ba ha ka sngi Palei mynta ka taiew ki la don ruh haduh 32 ngut ki kyrtong kiba la randien bad weng kyrtong noh ialade.

Haba iakren bad ki lad pathai khubor,

Dorbar Thaw Aiñ jong ka jylla.

Ki 6 tylli ki distrik jong ka jylla Nagaland kiba ka ENPO ka mihkhmat ki kynthup ia 20 tylli ki konsttwensi ne ki 'seats' ha ñing Dorbar Thaw Aiñ jong ka jylla.

Da ka jingtyrwa jong ka Sorkar Pdeng ban thaw da ka 'autonomous council' ha ki distrik ka thaiñ mihngi jong ka jylla Nagaland, la ioh jingtip ba ka ENPO ka la shim ia ki sienjam ban khmih thuh sa shisien halor ki mat kiba iadei bad ka jingbyrngem jong ka ban nym iashim bynta ha ka ilekshon ñing Dorbar Thaw Aiñ. Kat kum ki jingioh lum khubor la iathuh shuh shuh ba lada ka ENPO kan pdiang ia katei ka jingtyrwa jong ka Sorkar Pdeng, ia ka 'autonomous council' la buh ban jer kyrtong da ka 'Frontier Nagaland Autonomous Council'.

Haba phai sha kawe pat ka liang, la iathuh ba ia ka ilekshon sha ka ñing Dorbar Thaw Aiñ jong ka jylla Nagaland la buh ban pynlong ha ka 27 tarik mynta u bnai bad ia ka jignñiew ia ki 'vote' la buh ban pynlong ha ka 2 tarik u Lber, 2023.

Rynjah ka ba la mait phang bad ai jingkren kiba iadei bad kane ka sngi bad kymnaw burom ia 'U Kpa jong ka Ri India', u Mahatma Gandhi.

Ha kane ka sngi la ioh ruh ia ka jingkren na u general secretary ka KSU Kyrphei Unit.

Ia ka jingrakhe la iashim bynta lang da baroh ki president bad secretary jong baroh khyndai tylli ki Self Help Group (SHG) ha ryngkat ka jingiadon lang ki dkhot bad ki samla jong ka shnong Kyrphei.

Ha kane ka sngi la ia don ryngkat ka National Youth Volunteer jong ka Nehru Yuva Kendra Sangathan, Mawphlang Block, ka Kong Ibakordor Rynjah.

Kum ka dak jong ka jingkynduh burom, la pynlong ruh ia ka jingsngap jar kaba ar mynt ban kymnaw ia kito baroh kiba la aiti ia la ka jingim na bynta ka jinglailitid jong ka Ri India.

na ka liang u CEO u la pyntip ba ha kane ka ilekshon kaba mynta ka shlem treikam jong ka tnat ilekshon ka la ioh pdiang ia 310 tylli ki 'nomination paper' bad la kyntait ruh ia 19 tylli kiwei pat.

U la iathuh ba ki 19 tylli ki 'nomination paper' ki la shah kyntait namar kim don ia ka 'proposal paper' jong ki 10 ngut bad kim shym la wan the ruh ia ka 'security' bad kumjuh na kiwei kiwei ki daw. U la iathuh ba ha ka ilekshon kaba la long ha u snem 2018, ki la don haduh 297 ngut ki kyrtong kiba la iakhun ia ka ilekshon ñing Dorbar Thaw Aiñ jong ka jylla.

## SHYAM CENTURY FERROUS LIMITED

CIN: L27310ML2011PLC008578

Regd. Office : Vill.: Lumshnong, PO: Khaliéhriat,

Dist. East Jaintia Hills, Meghalaya - 793210, Phone: 0365-278215, Fax: 0365-278217

Email: investors@shyamcenturyferrous.com ; website: www.shyamcenturyferrous.com

Ka jingmih na ka Financial Results kaba khlem Audit na bynta ka Quarter/Khyndai bnai kaba kut ha ka 31 Nohprah, 2022

Particulars	Quarter kaba kut				Snem ba kut
	31.12.2022 (Khlem Audit)	30.09.2022 (Khlem Audit)	31.12.2021 (Khlem Audit)	31.12.2021 (Khlem Audit)	
Ka jingloh na baroh ka jingtreikam	4,143.60	4,543.01	5,733.92	12,076.46	14,982.99
Ka jinglohong Net Profit/(Duhong) na bynta ka por (pashwa ka khajna, lalnoh kiwei ki mar bad lane ki mar kiba kham pher)	778.73	872.27	2,022.42	2,598.28	4,769.35
Ka jinglohong Net Profit/(Duhong) na bynta ka por (pashwa ka khajna, lalnoh kiwei ki mar bad lane ki mar kiba kham pher)	579.92	648.76	1,512.50	1,934.93	3,565.02
Baroh ki jingloh na bynta ka por (pynthup ia ka jinglohong / (Duhong) na bynta ka por hadien jong ka khajna bad kiwei ki jinglohong hadien jong ka khajna)	579.13	646.77	1,513.32	1,932.57	3,567.47
Ka Paid up Equity Share Capital (Face Value kaba '1/-' hwe)	2,121.73	2,221.73	2,221.73	2,121.73	2,221.73
Ka jinglohong na marle kawe ki Share (kaba long '1/-' hwe)					
-Basic & Diluted (Kaba khlem shim lut baroh) (*)	0.27	0.29	0.68	0.91	1.60

**KA JINGKHMIIH NA BYNTA KA FINANCIAL RESULT**

1. Katei hanieng kaba mih ki jingbatat baroh jong ka Quarterly Financial Result kaba khlem Audit kumba la khmih briañ da ka Audit Committee lah ioh jingmyntur ha ka jingialang jong ka Board of Directors ia kaba la pynlong ha ka 31 tarik Rymphang, 2023. La uxor hakmatat jong ka bad ka Stock Exchange hapoh ka Regulation 33 jong ka SEBI (Listing Obligations and Disclosure Requirements) Regulations, 2015. La ka rukom kaba pura jong kane ka jingmih na ka Quarterly Financial lah ban ioh na ka website jong ka Stock Exchange www.nseindia.com bad ru ha na ka website jong ka Company www.shyamcenturyferrous.com.

2. Ka kynthun ka dang lai trei ha ka ban shna bad pynmih ia kiferro silicon. Kam shym don ka jinglaphiah ia kano kano ka bynta katkum ka Ind AS 108, "Operation Segment".

3. Ha kaba iadei bad ka jingmyntur jong ka Board of Directors ba la ai ha ka jingialang ia kaba pynlong ha ka 11 tarik u Nalliar, 2022 bad ka jingmyntur jong ki shareholder ia kaba la pynlong ha ka 14 tarik u Nalliar, 2022 ka Company ka ta tyrwa ia ka Buy Back kaba long 1,00,00,00,000/- kaba dei ka fully paid up equity shares jong ka dor kaba long sha baroh ki equity shareholder jong ka Company ha kaba rukom kaba la buh lyngba ka jingtyrwa ia ki tender 1 kawe shi baroh ki shareholder jong ka Company kaba dei ban ioh katkum ki rukom ba la buh da kaba tyrwa ia ki tender bad ki lnyty kumba la buh da ka Stock Exchange ha ka dor kaba long 28 kawe. Ki jingthied biang ia ki equity share kaba la long ha ka 25 tarik u Risaw, 2022. Bad kaba la khang noh ha ka 9 tarik u Nalliweng, 2022. Ha kaba iadei bad kane ka Company ka la thied biang (bought back) bad kaba baroh ka long 1,00,00,00,000 Equity Share jong ka 1 kawe bad ka jingsiew sha ki shareholder lah dep ban pnylut ha ka 17 tarik u Nalliweng, 2022. Ka Buy Back ka pynlong ia ka jinghiah pisa kaba long 28 kawe (lalnoh ia kiwei ki jingpnylut kumba Brokerage, filing fees, advisory fees, publication expense, Buy Back Tax, Securities Transaction Tax, GST, STAMP DUTY BAD KIWEI KI JINGPYNLUT KIBA DONKAM.)

4. Ki dur jong ki por ba lah dep lah kynthup ne buh lang bad lah tyngkai bha na bynta ban pynthikna ia kane ka jingbuhr kyrpang ia kaba mynta kumba lah ban long.

Da ka hukum jong ka Board  
Na bynta ka Shyam Century Ferrous Limited  
Sd/-  
Aditya Vimalkumar Agrawal  
Managing Director

Tarik: 03 Rymphang, 2023  
Jaka: Kolkata